

P369/2
RUNYORO-RUTOORO
Paper 2
2026
3 hours



UGANDA NATIONAL EXAMINATIONS BOARD
Uganda Advanced Certificate of Education

RUNYORO-RUTOORO

Orupapura rwakabiri
Litureca

Esaaha isatu

EBIRAAHONDERWA ABARUKUKAGUZIBWA:

Orupapura runu rucwirwemu ebicweka bibiri; A na B.

*Garukamu ekikaguzo **kimu** omu **buli** kicweka.*

Ebigarukwamu ebirukukira hali ebi oragiirwe tibirukwija kugororwa.

EKICWEKA A

1. Okwenagiiriza okunyakuli omu bantu kasumi kanu tikukabonwaga. Obusiihani bufookere rufu oruraamaraho abantu. Oburwaire nyamwingi bujanjaire omu bantu habw'obutafaaho n'obutamanya omu bantu. Enziku, omunywererro hamu n'ebijaga nizo ndwaire ezikyakizireyo okutwara abantu omu marwarro kandi ekyomugisa mubi baingi bafiire. Ti mwana, ti muzaire, ti muswerwa, ti muntu mukuru boona obusiihani tibubasigiire kantu. Ebitongole bingi eby'ebyobwomeezi nka TASO, WHO biteekereho enteekaniza ha marediyo, tiivi okwegesa abantu n'okuteererra abantu ha burwaire oburukuruga omu busiihani, baitu abantu beeyongiire kukwatwa oburwaire bunu. Ab'ebyobwomeezi bacwiremu okwegesa abantu okuraba omu buzaano ha birukukwata ha burwaire bunu. Ekirango kiteekerwe ha rediyo nikisaba abeegi abarukusobora kuhandiika obuzaano ha kwegesa abantu ha burwaire oburukujanjaara kuraba omu busiihani. Iwe nk'omu h'abeegi, ocwiremu kwetaba omu kuhandiika kunu.

Omulimo:

Omu bigambo nka **1000**, handiika akazaano akaraayekoonyezibwa ebitongole by'ebyobwomeezi okwegesa n'okuteererra abantu ha burwaire oburukujanjaara kurabirra omu busiihani. Handiika ekicweka ky'omuzaano ogusoboora kukozezebwa.

EKICWEKA B

Garukamu ekikaguzo 3 rundi 4 omu kicweka kinu noojuliza haakire kuruga omu bitabu bibiri.

Emizaano:

Bishop Muhiirwa K. Robert: *Agaali Maka*

Ebitebyo:

Musaijamukuru Rwakya: *Rwatooro na Kabatooro*

Shirley Carthy Byakutaaga: *Abaaliire Entahurra*

Kinu

2. Okuba mwebembezi w'abantu, ekicweka rundi eka, bintu bingi ebirukuba nibikunihirwamu. Niiwe orukuba okwasire orumuli orurukumulikira abantu baawe. Okwaka rundi okuzima kw'orumuli oru, nibuba bujunaanizibwa bwawe. Abantu omwebembezi ayebembera baba nibamunihiramu bingi. Ekikuru nikyo okuhikyaho abantu be obuheereza oburungi. Eky'omugisa mubi, abeebembezi baingi obujunaanizibwa bunu bubalema okubuhikiiriza, ekireetereza abantu baabo okubeejuma n'okubaihamu obwesigwa.

Habw'okulemererwa kw'abeebembezi baingi, ensinganto nyingi igenzire nizeetantara okwetaba omu by'obwebembezi kakube kutandikaho amaka.

Omulimo:

Nooyekoonyeza ebyokuroraaaho kuruga omu bitabu ebihairwe, heereza ensinganto obuhabuzi oburaasobora okubakoonyera okuba abeebembezi b'abantu abarukwesiimisa.

Rundi

3. Okusaba ekiganyiro okeegarukamu hali abo abosobiize kandi okacweka omu mutima okatandika kukora ebihikire eri ngeso nungi ei abantu baina okwoleka. Kakuba omuntu atamanyirra omuze, engeso rundi ensobi ei arukuba akozire naasobora kumalirra ali omu kabi kakooto muno. Kinu nikyo eki abantu baalemere okwetegereza kaabe mwana, mukazi, musaija, nyineeka rundi kirinju boona nibakwatwaho. Kakuba omuntu atayeteera omu mutima akeegarra buhyaka, naaba ayolekeriize kuhwerekerra.

Omulimo:

Nooyekoonyeza bimu aha bitabu bikuhairwe, heereza enteekereza yaawe hali engeso egi.